



Futuro di San Nicolas:

E industria di sexo mester keda of muda?

E caya principal historico di San Nicolas, Aruba, pa hopi tempo a sirbi como un localidad p'e industria di sexo di e isla, atrayendo clientenan y manteniendo e area economicamente activo pa decadanan. Pero mientras discusionnan ta crece rond di e potencial di San Nicolas pa bira un destinacion mas orienta riba famia y atractivo pa turista, e presencia di negoshinan di entretenimento pa adulto ta wordo debati cada bes mas. Di un banda, re-ubica e industria di sexo por crea espacio pa establecimentonan enfoca riba famia. Di otro banda, negoshinan di entretenimento pa adulto tin raisnan profundo den San Nicolas y ta provee estabilidad economico. Ata un bista di ambos perspectiva den e debate.

E argumento pa muda e industria di sexo

Esnan na favor di re-ubica e industria di sexo ta argumenta cu esaki por habri e caya principal di San Nicolas pa negoshinan nobo, orienta riba famia cu ta atrae un publico mas amplio. San Nicolas tin potencial como un centro cultural y historico pa tanto local como turistanan, cu atraccionnan manera e famoso 'street art', e galeria di arte y eventonan cultural. Door di re-ubica negoshinan orienta riba adulto, e area lo por acomoda mas restaurant, cafe, tiendaan di retail y otro luganan 'family-friendly' cu por atrae un publico mas grandi, incluyendo famianan cu mucha. Esaki, na su turno, por impulsa turismo y trece un enfoke economico nobo n'e area.



Minister encarga cu Turismo y Salubridad ta anuncia cu entrante **21 november 2024** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un hotelvergunning pa e parcela **J.E. Irausquin Boulevard 230**. E permiso aki ta concerni e.o. benta di bebida sterki por detal y cuminda pa wordo consumi den e parcela. Durante dicho periodo aki tur hende por expresa por escrito nan desacuerdo contra dunamento di e permiso menciona, dirigi na e Minister encarga cu Turismo y Salubridad, via intermediacion di Director di Legislacion y Asunto Huridico, Schotlandstraat 53.

Adicionalmente, muda negoshinan di entretenimento pa adulto pa un localidad designa leu di e caya principal por mehora e reputacion y siguridad di e area. E mudamento lo trece mas trafico di hende di famia y bishitantenan cu actualmente por ta evita e area debi n'e negoshinan pa adulto. Cu un enfoke nobo riba atraccionnan 'family-friendly', e caya principal di San Nicolas por revitalisa su imagen, birando un destinacion bibo cu ta celebra cultura y historia di Aruba.

E argumento pa mantene e industria di sexo riba caya principal

Di otro banda di e debate, hopi hende ta kere cu e industria di sexo mester keda riba e caya principal di San Nicolas. Negoshinan di entretenimento pa adulto a forma parti di e caracter di e area pa decadanan y p'algun, e industria ta entrelasa cu e identidad y historia di San Nicolas. Pa local y doñonan di negoshi, e parti aki di e ciudad pa hopi tempo a sirbi como un luga unda e industria di entretenimento pa adulto ta coexisti cu otro negoshinan local, creando un ambiente autentico y distintivo cu ta diferencia San Nicolas di otro partinan di e isla.

Ademas, mayoria di e doñonan di negoshi di entretenimento pa adulto ta doño di nan propiedadnan riba e caya principal. Muda e industria lo nifica cu e doñonan di propiedad aki lo ainda tin e propiedadnan, probablemente huur nan na otro negoshinan. E realidad aki ta complica e argumento pa cambio, ya cu e doñonan di propiedad aki por no kier of tin mester di bende y por sigui beneficia di huur. Ta posibel cu cambia e area por reduci estabilidad, cu incertidumbre potencial riba con negoshinan 'family-friendly' lo funciona y si nan lo genera e mesun entrada consistente.

Un otro punto na favor di mantene e industria di sexo unda e ta centra riba e contribucion economico cu e negoshinan aki ta provee. Elimina e establecimentonan aki por crea un caida pa negoshinan rond cu ta depende di e trafico di hende genera pa luganan di entretenimento pa adulto. E perdida inmediato di un base di cliente por afecta restaurant-, tienda- y otro negoshinan local den San Nicolas cu ta depende di e clientenan aki.

Balansa tradicion y cambio

En ultimo instancia, e decision si e industria di sexo mester keda riba e caya principal di San Nicolas ta rekeri balansa e beneficienan di crecimiento di turismo cu e necesidad pa respeta e comunidad di negoshi estableci di e area. Cualquier decision lo mester considera e impacto economico riba negoshinan existente, e deseonan di doñonan di propiedad local y e vision evolutivo di e ciudad p'e identidad di San Nicolas. Tanto preserva tradicion como yama cambio bon bini ta esencial pa haya un solucion cu ta beneficia tur stakeholders.